

BOSNA I HERCEGOVINA
FEDERACIJA BiH
KANTON SARAJEVO
OPĆINA NOVO SARAJEVO
JU OŠ "VELEŠIĆKI HEROJI"

Broj: 369-10/23

Sarajevo, 25.05.2023. godine

**IZVEDBENI PLAN I PROGRAM
EKSKURZIJE U ŠKOLSKOJ 2023/2024.
GODINI ZA UČENIKE DEVETIH
RAZREDA**

Na osnovu člana 104. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17, 30/19, 34/20, 33/21) i člana 40. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, broj: 15/22), Odjeljeno vijeće IX razreda JU OŠ „Velešićki heroji“ Sarajevo na sjednici održanoj dana 11.05.2023. godine utvrdilo je

IZVEDBENI PLAN I PROGRAM EKSURZIJE ZA UČENIKE DEVETOG RAZREDA ŠK. 2023/ 2024.GODINE

Ekskurzija je poseban vid organiziranog odgojno-obrazovnog rada škole, koji se ostvaruje van mjesta stalnog boravka učenika. U okviru ovog odgojno-obrazovnog rada ostvaruju se razni vidovi aktivnosti učenika, kroz nastavne i vannastavne aktivnosti i sadržaje, kao što su kulturnozabavne i sportske aktivnosti, posjete i upoznavanje sa historijskim spomenicima i njihovim značajem za pravilno shvatanje prošlosti, sadašnjosti i pretpostavki za budućnost Bosne i Hercegovine, posjete i upoznavanje sa prirodnim ljepotama i njihovim značajem za privredni i državni razvoj Bosne i Hercegovine i upoznavanje sa različitim načinima i aspektima života i rada ljudi u pojedinim područjima Bosne i Hercegovine.

Cjelokupna organizacija i realizacija ekskurzije zasniva se na direktnom posmatranju, proučavanju i doživljavanju svih programskih sadržaja ekskurzije.

U realizaciji ekskurzije svi programski sadržaji bit će realizirani u skladu sa odgojnim, obrazovnim i funkcionalnim ciljevima i zadacima.

I CILJ EKSURZIJE

Cilj ekskurzije se odnose na sticanje pozitivnih navika i osobina, na razvoj ispravnih moralnih shvatanja, na usvajanje ispravnih normi ponašanja, snaženje želje kod učenika za aktivno izučavanje prirodnih, kulturnih, historijskih, vjerskih, jezičkih i običajnih ljepota i različitosti Bosne i Hercegovine.

II ODGOJNO-OBRAZOVNI CILJEVI I ZADACI EKSURZIJE

Ciljevi odgojno-obrazovnog rada ekskurzije su raznovrsni i složeni, a u društvenom pogledu su prioritetni i veoma odgovorni, i dijele se na:

1) Odgojni ciljevi ekskurzije su:

- Nova saznanja
- Pozitivne životne i radne navike
- Pravila lijepog ponašanja
- Socijalizacija učenika
- Uvažavanje i tolerancija različitosti
- Pozitivan odnos prema prirodnim ljepotama i ekološkim navikama
- Pozitivan odnos prema kulturno – historijskom naslijeđu Bosne i Hercegovine
- Razvoj patriotizma i ljubavi prema domovini
- Razvoj zdravih životnih navika
- Značaj fizičkih aktivnosti i boravka u prirodi za zdrav način života
- Razvoj samopouzdanja i ispravnog sazrijevanja i samostalnosti učenika.

2) Obrazovni ciljevi su:

- Usvajanje novih sadržaja odgojno-obrazovnog rada kroz direktno proučavanje i upoznavanje sa prirodnim, historijskim, kulturnim, vjerskim i običajnim ljepotama Bosne i Hercegovine;
- Razvoj pravilnog odnosa prema tradiciji i očuvanju iste kroz posjete spomenicima iz daleke historije;
- Upoznavanja historije, značaja i snage Bosne i Hercegovine tokom i nakon Drugog svjetskog rata;
- Uočavanje specifičnosti dijalekata u našoj zemlji;
- Praktično upoznavanje i širenje ranijih spoznaja o prirodnim ljepotama i bogatstvima Bosne i Hercegovine;
- Uticaj prirodnih, historijskih i kulturnih odlika na razvoj likovne umjetnosti;
- Razmjena iskustava i spoznaja učenika sa vršnjacima unutar određene ciljne grupe;
- Animiranje slobodnih aktivnosti učenika u širenju obrazovnih i spoznajnih činjenica o ljepotama Bosne i Hercegovine.

3) Funkcionalni ciljevi su:

- Sticanje pozitivnih iskustava i navika kod učenika
- Razvijanje ispravnog zapažanja i upoznavanja kod učenika
- Razvijanje ispravnog uviđanja važnih detalja kod učenika
- Uočavanje uzročno – posljedičnih veza i odnosa između prirodnih, društvenih, kulturnih i svakodnevnih životnih komponenti
- Razvoj istraživačkog duha, mašte, kreativnosti, kritičnosti, stvaralačke aktivnosti i spoznaja kod učenika.

**b) POSEBNI, ODNOSNO SPECIFIČNI CILJEVI KOJI SE PRIJE SVEGA ODNOSI
NA USVAJANJE DIJELA NPP KROZ:**

- Direktno upoznavanje sa prirodnim i društvenim pojavama i odnosima
- Upoznavanje prirodnih, društvenih, kulturnih i historijskih pojava i znamenitosti, te njihovo upoređivanje sa historijom i geografijom rodnog grada
- Upoznavanje sa obrazovnim, privrednim i običajnim znamenitostima pojedinih područja Bosne i Hercegovine
- Posjete i upoznavanja prirodnih i kulturno – historijskih spomenika
- Zdravstveni, sportski, rekreativni, sociološki i psihološki razvoj učenika.

ZADACI PREDSTAVLJAJU KONKRETIZACIJU EKSURZIJE

1) Opći zadaci su:

- Sticanje novog znanja, vještina i navika
- Svestrani odgoj i obrazovanje
- Fizički i psihički razvoj učenika.

2) Specifični zadaci su:

- Proučavanje kulturno – historijskih spomenika u regionu Hercegovine
- Proučavanje prirodnih ljepota
- Upoznavanje specifičnosti života i rada stanovništva pojedinih područja Bosne i Hercegovine (s obzirom na reljef, klimu, tlo, biljni i životinjski svijet, privredu i naselja)
- Razvijanje pozitivnog odnosa prema prirodnim, kulturnim i historijskim vrijednostima i nasljeđu
- Razvoj pozitivnih socijalnih, zdravstvenih i sportskih potreba i navika

**III SADRŽAJ, METODE I SREDSTVA KOJIM SE POSTAVLJENI CILJEVI
OSTVARUJU:**

- Istraživanje, kreativno rješavanje problema, neposredno posmatranje, demonstracija, heuristički razgovor, vođena igra u neposrednom dodiru sa prirodom

IV NOSIOCI AKTIVNOSTI:

Nosioci predviđenih sadržaja i aktivnosti za učcnike su voditelji EKSURZIJE (razrednice IX razreda), direktor škole u saradnji sa odabranom turističkom agencijom.

V PLANIRANI OBUHVAT UČENIKA:

Planirani broj učenika za ekskurziju je 45 učenika i 2 razrednice

VI VREMENSKI OKVIR:

Septembar, 2023. godine

VII PUTNI PRAVCI:

Relacija Sarajevo – Blagaj – Sarajevo u saradnji sa odabranom turističkom agencijom

VIII OPIS PRIJEVOZA, UGOSTITELJSKIH USLUGA I DRUGIH USLUGA

- Pri realizaciji putovanja moraju se koristiti autobusi koji nisu stariji od 12 godina, tehnički ispravni i pregledani (redovni tehnički pregledi u posljednjih šest mjeseci i tehnički pregled obavljen, ne ranije od pet dana, o čemu Agencija dostavlja pisane dokaze), uz uslov da njima upravljaju lica, koja ispunjavaju zahtjeve u pogledu profesionalne obučenosti i kompetentnosti, uz obavezu Agencije da školi dostavi pisane dokaze o njihovoj psihofizičkoj sposobnosti za upravljanje autobusom (tahografske trake za prethodna dva dana).
- Agencija može da koristi vlastita prijevozna sredstva ili prijevozna sredstva u vlasništvu drugih pravnih i fizičkih lica koja su registrovana za obavljanje djelatnosti prijevoza putnika u kojima su putnici i prtljag osigurani.
- Agencija i škola su obavezne da osiguraju potreban broj sjedišta u autobusu ili putničkom motornom vozilu.
- U cilju sigurnosti boravka učenika, Agencija može da koristi samo one smještajne i ugostiteljske objekte, koji zadovoljavaju određene standarde u smislu kvaliteta usluga smještaja, prehrane i posluživanja napitaka sa posebnim osvrtom na visok kvalitet ispunjenosti sanitarno-higijenskih i zdravstvenih zahtjeva u pogledu pripremanja hrane i napitaka i smještajnih sadržaja, o čemu je Agencija obavezna dostaviti pisane dokaze. - Agencija je obavezna da osigura postupanje odgovarajućih lica u smještajnim i u ugostiteljskim objektima u smislu posjete sobama drugih lica.

a) OPERATIVNI PROGRAM EKSURZIJE (Dva puna panisiona)

1. DAN

- polazak u jutarnjim satima sa dogovorenog mjesta,
- Posjeta Konjicu i obilazak kuće Zuke Džumhura
- posjeta Muzeju Bitke na Neretvi u Jablanici i upoznavanje sa sadržajima i historijom ove bitke, sa posebnim osvrtom na humanost prema ranjenicima tokom Bitke na Neretvi,
- dolazak u hotel «ADA» i smještaj u hotelu,

- večera i kulturno – zabavni program (disko),
- odlazak na spavanje.

2. DAN

- doručak i odlazak na vodopad Kravice, kao jedan od najljepših prirodnih spomenika Bosne i Hercegovine
- obilazak Stoca i nekropole stećaka Radimlja (najveća nekropola stećaka u Bosni i Hercegovini),
- ručak i slobodne aktivnosti
- večera i disko po dogovoru,
- odlazak na spavanje.

3. DAN

- doručak i slobodne aktivnosti do ručka,
- ručak i napuštanje hotela,
- posjeta Hutovu Blatu i foto – safari čamcima po Hutovu Blatu,
- nastavak potovanja prema Sarajevu sa usputnim zadržavanjima,
- dolazak u Sarajevo u noćnim satima.

IX ODREDBE O UPRAVLJANJU, RIZICIMA REALIZACIJE:

Odabrana turistička agencija

X PLANIRANA CIJENA USLUGA, ODNOSNO FINANSIJSKI OKVIR

Finansijski okvir je u skladu sa cijenom koju ponudi odabrana turistička agencija koja će biti izabrana od strane Komisije, a na osnovu pristiglih ponuda u skladu sa Pravilnikom koji tretira ovu oblast.

XI TEHNIČKA ORGANIZACIJA:

Odabrana turistička agencija

XII NAČIN FINANSIRANJA PO KATEGORIJAMA UČENIKA:

Roditelji učenika

